

Իմ խօսակցութեան պաշարը սպառուեցաւ: Մտածեցի հարցնել երեխաների անունները:

– Ինչպէ՞ս է մեծի անունը:

– Հայկ:

– Փոքրիկը՞:

– Արամ:

– Իսկ այդ սիրուն աղջկա՞նը:

– Շամիրամ:

– Պատմական անուններ են, – նկատեցի ես, ինքս էլ զարմանալով եմ գիտի վրայ:

– Թագաւորների անուններ են, – ավելացրեց պառաւը: – Որդիս շատ անգամ պատմում է երեխաներին այդ թագաւորների գործերը, ասում է, որ ամէն մէկը պետք է գիտենայ, թէ ո՞վ էր իր անոան տերը:

Տիկինը, ինչպէս երեւում էր, շտապում էր: Առաւօտ էր. տնային գործերը կոչում էին նրան: Մեր թեթեւ խօսակցութիւնը նա ավելի գործնականի փոխեց, ասելով, որ ճանապարհից ու հեռու տեղից եկք եկել, խնդրեց, որ մեր սպիտակեղէնները, թէ իմը եւ թէ Ասլանիկը, ուղարկեմ, որ լոտնալ տայ, որովհետեւ տանը այդ օրը լոացք չէին լոտնալու, եւ ավելացրեց, եթէ կարկատելու մի բան կայ, նոյնպէս ուղարկեմ:

– Ձեր տունն է, եղբայր, – ասաց նա, – մի ամաչէք, ինչ որ պետք ունեք, կարող էք պահանջել, որպէս ձեր մօրից եւ քոյրից:

Ես շնորհակալութիւն յայտնեցի: Նա հեռացաւ: Երեխաները այժմ հանգիստ էին: Նրանք կարծես մոռացան մեծ եղբօրը, եւ երկուսն էլ ուրախանալով վազեցին կատոի փոքրիկ ձագի տետից, որ նոյնպէս վազվզում էր բակում: «Դրանք էլ են սիրում Վանայ կատուներին, որոնց մազերը կայծեր են արծակում», մտածեցի ես:

Թէ մեր կողմերում, թէ այստեղ, հիւրի համար մի առանձին յարգանքի եւ մտերմութեան նշան է համարում, երբ տանտերը ցոյց է տալիս իւր տնային տնտեսութիւնը: Այդ պատճառով ես սիրով ընդունեցի պառաւի առաջարկութիւնը, երբ նա հրավիրեց տեսնելու իրանց տնտեսութիւնը: Նախ տարաւ ինձ մառանը: Դա մի ստորերկրեայ ներքնատուն էր, որ ամառնային սաստիկ տօթի ժամանակ եւս պահպանում էր իր մէջ խիստ ախորժեղի զովութիւն: Այստեղ, մի կողմում, կիսով չափ յատակի մէջ թաղուած, մինը միւսի մօտ շարուած էին գինու կարասները: